

## Lose Zettel

### N 1.

#### ***Einigung über einen von Lucas und Barbara Gruner ererbten Garten.***

*ohne Datierung*

*lose Einlage bei Bl. 109* Ich Niclaus Jacoff, dy czeit stadvoit czu Czwigkaw, und wir schephen genant etc. bekennen etc. daz vor uns angerichte und gehegite dingkpank czu rechter tagczeit komen ist Lucas Gruner und Barbara,<sup>a)</sup> syne swester, Andreas Gruner, Gruners vom Were<sup>1)</sup> rechte eliche kinder, und haben sich keyn Clausz Steffan von Werda williklichin mit eynem zeichnus<sup>b)</sup> vorczihen eyns garten, der sy von irin vatir seligen an komen und der om vorkauft worden ist, gereth und globit om noch nymandis, der den garten haben addir kauffen wurde, dy nicht czu reden noch dor umbe nicht czu beteidingen an arg und an geverde.

*[Rückseite:]* Claus Steffan von Werda. Lucas. Andreas Gruners kinder von Werda.

Campo dedit sabbato ante Margarethe 18 ß gr. Item den nuereryn [?] darruber schr. 1 ß gr. Item Steffan Gulden dedimus vier ß gr uff seyn weyn. Domine suscipe me ut cum fratribus In dulci jubilo nu singit und seit fro aller unszir wunne leit in presepio homo quidam fecit cenam

*a) über die Zeile geschrieben b) vor dem Textblock*

### N 2.

*ohne Datierung*

#### ***Ein Mühlenpächter verzeichnet seine Forderungen gegenüber der Stadt.***

*lose Einlage vor Bl. 142* Das mir die herrn des ratis schuldig sint. Zum ersten das ich on abe geerbit habe 11 ½ alde ß in dem quinger an der treth molen.

Item 10 grunt bruchen ye von einen gruntbruche 9 alde ß, als sie dem cziczen vischer vordingit hatten und nicht vorbrachte noch konde, die ich selbir faste und vorbrachte czu ende, also wol als die andern gruntbruche.

Item so bin ich in das achte jar ir molner gewest und habe mit on gehabit 15 mastunge anne sweynen. Die erste mastunge ist gewest von 18 sweyn, item die andere von 21 swynen, item die dritte von 20 sweyn, die virde von 24 sweyn, item die funffte von 18 sweyn, item die 6. mastunge aber 18 sweyn, item die sybende 18 sweyn, item die achte 18 sweyn, item die newnde 18 sweyn, item die czende 19 sweyn, item die eilffte 18 sweyn, item die czwelffte 18 sweyn, item die dreiczende 24 sweyn, item die virczende \ mastunge von 12 sweyn, item disze leczte auch von 12 sweyn. Etiam an solcher obgenanten mastunge habe ich einen dritteil und czu vor awsz 1 sweyn das beste nach dem ersten vor meines weibes muhe und der kinder